



Ulwimbo Iwakwa Sakima

✎ Ursula Nafula

✍ Peris Wachuka

💬 Felix Mwila

📶 3

💬 IciBemba bem



Sakima aaleikala na bafyashi bakwe pamo na nkashi yakwe uwamyaka ine. Baleikala pancende ya mukankaala umo. Inanda yabo iyafyani yabeleele kumpela ya miti.



Ilyo Sakima aali ne myaka itatu, alipofwile ku mulandu wa bulwele. Sakima aali mulumendo uwakwete icabupe.



Sakima aaleecita ifintu ifingi efyo abalumendo bamyaka mutanda baaleefilwa. Ico mwingamwenako cimo cakuti, uyu Sakima aaleikala pa bakulu bamumushi no kulanshanya pa milandu iikankaala.



Abafyashi bakwa Sakima baaleebomba pa njanda ya mukankaala. Baaleefuma pa njanda ku macaaca no kubwela inshita ya bushiku. Sakima aaleeshaala na nkashi yakwe.



Sakima aalitemenwe ukwimba inyimbo. Ubushiku bumo banyina balimwipwishe abati, “Usambilila kwisa ishi nyimbo, Sakima?”



Sakima ayaswike ati “Shiisafye, maayo, nshumfwa mu mutwe elyo nashimba.”



Sakima alitemenwe ukwimbila nkashi yakwe, maka-
maka nkashi yakwe nga aumfwa insala. Nkashi
yakwe aaleekutika uko Sakima aleimba ulwimbo
atemenwe saana, ninshi ayamba ukuisunsuntula ku
ciunda ca lwimbo.



Nkanshi yakwe aaleemulomba ati, “Njimbilako na kabili, Sakima.” Sakima aaleesumina no kubwekeshapo ukwimba ulwimbo imiku iingi.



Ubushiku bumo ilyo abafyashi bakwe baabwelele pa
nanda, baalifye tondolo. Sakima aalishibe ukutiila
pali ifyalubene.



“Finshi ifilubene, maayo, taata?” efyo aabepwishe.
Sakima Baamwebele ukutiila umwana wa
mukankaala aalilubile. Umukankaala aali no
bulanda nganshi kabili aalifye eka bulanda-bulanda.




“Kuti namwimbilako. Limbi kuti asansamuka na kabili,” efyo Sakima aebele abafyashi bakwe. Nomba abafyashi bakwe balikene. Abati, “Uyu muntu mukankaala saana. Iwe uli mwaice kabili taumona. Uleetontokanya ukutiila ulwimbo lobe kuti lwamwafwilisha?”




Sakima taanenwiike. Nkashi yakwe aalimulandiileko. Aatiile, “Inyimbo shakwa Sakima shilantalalika nga ndi ne nsala. No mukankaala wine kuti shamutalalika.”



Ubushiku bwakonkelepo, Sakima aebele nkashi yakwe ukumutungulula ku njanda ya mukankaala.



Aiminine mwisamba lye windo ilikalamba no kwamba ukwimba ulwimbo aatemwishishe. Panoono-panoono, umutwe wa mukankaala wayambile ukumoneka pa windo.



Ababomfi baaleekele imilimo yabo. Baaleekutika ku lwimbo lwakwa Sakima ulwawama nganshi. Nomba shitaata umo aatiile, “Tapaaba nangu umo uwakwanisha ukutalalika ba bwana. Bushe uyu mulumendo wapofula aleemona kwati kuti abatalalika?”



Sakima alipwishishe ukwimba ulwimbo lwakwe kabili alimine ukuti aleeya ku mwabo. Nomba umukankaala alifumine panse no kutiila “Napaapaata, imba na kabili.”



Apopeene kwaishile abantu babili nabasenda umuntu pa macila. Baasangile umwana wa mukankaala nabamupuma ku fipondo kabili bamushiile mumbali ya musebo.



Umukankaala aalisansamwike pa kumona umwana wakwe na kabili. Aalilambwile Sakima pa kumutalalika ku mutima. Aatwele umwana wakwe na Sakima ku cipataala mu kumona nga kuti Sakima atampa ukumona na kabili.



Storybooks Zambia

storybookszambia.net

Ulwimbo lwakwa Sakima

 Ursula Nafula
 Peris Wachuka
 Felix Mwila

